

ՈՒՍՏԱՐԻ 2022-2023 / ANNÉE UNIVERSITAIRE 2022-2023  
Փորձնական քննություններ/ Examens blancs  
2-րդ կիսամյակ / 2<sup>ème</sup> semestre

**«Հասարակագիտության» փորձնական քննության թեստ**

<p><i>Ընտրել ճիշտ տարբերակը կամ պատասխանը:</i>  <i>Յուրաքանչյուր ճիշտ ընտրությունը գնահատվում է 1 միավոր:</i>  <i>Միայն պատասխանի, պատասխանի բացակայության, ինչպես նաև մեկից ավելի պատասխաններ նշելու դեպքում՝ 0 միավոր:</i></p>		
1.	Իրավական կարգավորումն իրականացնում է.	ա/ պետությունը բ/ ոստիկանությունը գ/ դատախազությունը դ/ դատարանը
2.	Իրավական կարգավորման տիրույթում գտնվող հասարակական հարաբերությունները կազմում են.	ա/ իրավական կարգավորման մեթոդը բ/ իրավական կարգավորման առարկան գ/ իրավական կարգավորման ինստիտուտը դ/ իրավական կարգավորման նորմերը
3.	Օրենքների ոչ պաշտոնական մեկնաբանությունը կրում է.	ա/ ցուցադրական բնույթ բ/ հետազոտական բնույթ գ/ խորհրդատվական բնույթ դ/ որոնողական բնույթ
4.	Իրավական պատասխանատվության գործառույթները.	ա/ երկուսն են բ/ երեքն են գ/ չորսն են դ/ հինգն են
5.	Ստորև թվարկվածներից ո՞րը չի համարվում պետական կառավարման ձև.	ա/ խորհրդարանական հանրապետությունը բ/ նախագահական հանրապետությունը գ/ դաշնային (ֆեդերատիվ) պետությունը դ/ սոցիալիստական հանրապետությունը
6.	Սահմանադրական դատարանը որոշումները և եզրակացություններն ընդունում է.	ա/ դիմում ստանալուց ոչ ուշ, քան երեսուն օր հետո բ/ դիմում ստանալուց ոչ ուշ, քան մեկ ամիս հետո գ/ դիմում ստանալուց ոչ ուշ, քան քսան օր հետո դ/ դիմում ստանալուց ոչ ուշ, քան տասնհինգ օր հետո

7.	Իրավական պատասխանատվության գործառույթ չէ.	ա/ զրկող-պատժող բ/ վերականգնող-հատուցող գ/ կանխող-դաստիարակող դ/ վերականգնող-հաստատող
8.	Փաստաբանական ծառայությունը.	ա/ կառավարական հատուկ կազմակերպություն է բ/ ոչ կառավարական հատուկ կազմակերպություն է գ/ հանրային մարմին է դ/ տեղական ինքնակառավարման մարմին է
9.	Դատախազությունը.	ա/ հասարակական համակարգ է բ/ քաղաքական համակարգ է գ/ միասնական կենտրոնացված համակարգ է դ/ միասնական ապակենտրոնացված համակարգ է
10.	ՀՀ ոստիկանապետին նշանակում է.	ա/ Ազգային ժողովը՝ վարչապետի առաջարկությամբ բ/ ՀՀ վարչապետը գ/ Սահմանադրական դատարանի նախագահը դ/ ՀՀ նախագահը՝ վարչապետի առաջարկությամբ
11.	Ամուսնությունն արգելվում է.	ա/ այն անձանց միջև, որոնցից թեկուզ մեկն արդեն այլ ամուսնության մեջ է գտնվում բ/ այն անձանց միջև, որոնք ամուսնալուծված են գ/ այն անձանց միջև, որոնք դատապարտված են եղել դ/ այն անձանց միջև, որոնցից մեկն ամուսնալուծվել է
12.	Պայմանագիրն օրենք է.	ա/ պետության և քաղաքացու համար բ/ միայն դրա կողմերի համար գ/ քաղաքացու և օտարերկրացու համար դ/ կազմակերպության և քաղաքացու համար
13.	Օրենքներն օժտված են.	ա/ բարձրագույն հասարակական ուժով բ/ բարձրագույն քաղաքական ուժով գ/ բարձրագույն իրավաբանական ուժով դ/ բարձրագույն բարոյական ուժով
14.	Պայմանագրային իրավահարաբերությունները կարող են զարգանալ հետևյալ ուղղություններով.	ա/ կատարում, դադարում, փոփոխում բ/ կատարում, դադարում, լուծում գ/ կատարում, լուծում, նորացում դ/ փոփոխում, վերանայում, վերադասավորում
15.	Աշխատանքային պայմանգիրը.	ա/ բարեկամություն է բ/ դաշնություն է գ/ միասնություն է դ/ համաձայնություն է

16.	Գործարքները.	ա/ կամային գիտակցված գործողություններ են բ/ բարոյական գործողություններ են գ/ ինքնանպատակ գործողություններ են դ/ մարդկային գործողություններ են
17.	Եթե անձի վարքից ակնհայտ է գործարք կնքելու կամքը, ապա գործարքը կոչվում է.	ա/ պատրոնած բ/ օֆերտա գ/ ակցեպտ դ/ կոնկլուդենտ
18.	Նոտարական ձևը չպահպանելը.	ա/ հանգեցնում է գործարքի կայացմանը բ/ հանգեցնում է գործարքի առոչնչության գ/ հանգեցնում է գործարքի կնքման դ/ հանգեցնում է գործարքի չեղարկման
19.	Անվավեր գործարքները լինում են.	ա/ վիճահարույց և առոչինչ բ/ վիճահարույց և վավերական գ/ վավերական և առոչինչ դ/ իրավական և ոչ իրավական
20.	Սուբյեկտային կազմում արատներով գործարքները.	ա/ երկուսն են բ/ չորսն են գ/ երեքն են դ/ մեկն է
21.	Անվավեր գործարքի հատուկ տեսակներ են.	ա/ առոչինչ և վիճահարույց գործարքները բ/ կամային և ոչ կամային գործարքները գ/ վավեր և անվավեր գործարքները դ/ կեղծ և շինծու տեսակները
22.	Պարտավորության կողմերն են.	ա/ պարտատերը և հայցվորը բ/ պարտապանը և պարտավորը գ/ պարտատերը և պարտապանը դ/ հայցվորը և իրավագորը
23.	Ո՞ր մարմինն է կատարում ամուսնության պետական գրանցում ՀՀ-ում:	ա/ նոտարիատը բ/ քաղաքացիական կացության ակտերի պետական գրանցում իրականացնող մարմինը գ/ դատարանը դ/ իրավաբանական անձանց պետական գրանվման գործակալությունը
24.	Ժառանգատու կարող է լինել.	ա/ իրավաբանական անձը բ/ ֆիզիկական անձը գ/ հասարակական կազմակերպությունը դ/ քաղաքական կազմակերպությունը

25.	Մարդու իրավունքների և հիմնական ազատությունների պաշտպանության մասին եվրոպական համաձայնագիրը սկսել է գործել.	ա/ 1950 թվականից բ/ 1987 թվականից գ/ 1996 թվականից դ/ 1959 թվականից
26.	Մարդու իրավունքների եվրոպական դատարանն առաջին հերթին լուծում է.	ա/ դիմումների ընդունման հարցը բ/ նիստերի անցկացման հարցը գ/ դատավորների հարցը դ/ պաշտոնական ձևաթղթի հարցը
27.	Միասեռ հասարակական հարաբերությունների որոշակի կողմ կարգավորում է.	ա/ իրավունքի մեթոդը բ/ իրավունքի ինստիտուտը գ/ իրավունքի նորմը դ/ իրավունքի ճյուղը
28.	Գիտական հայտնագործություն կատարելը.	ա/ անհրաժեշտ իրավաչափ վարքագիծ է բ/ թույլատրելի իրավաչափ վարքագիծ է գ/ ցանկալի իրավաչափ վարքագիծ է դ/ պարտադիր իրավաչափ վարքագիծ է
29.	Վճռաբեկ դատարանի նպատակն է.	ա/ օրենքի կատարելագործումը բ/ օրենքի միատեսակ կիրառությունը գ/ օրենքի պաշտպանությունը դ/ օրենքի կարգավորվածությունը
30.	ՀՀ փաստաբանների պալատն ունի.	ա/ հանրային պաշտպանի գրասենյակ բ/ կանանց պաշտպանի գրասենյակ գ/ հասարակական պաշտպանի գրասենյակ դ/ քաղաքական պաշտպանի գրասենյակ
31.	Իրավախախտումը.	ա/ վարքագիծ չէ բ/ վարքագիծ է գ/ արարք է դ/ ճիշտ են բ և գ պատասխանները
32.	ՀՀ Սահմանադրությունն ընդունվում է.	ա/ նախագահի հրամանագրով. բ/ հանրաքվեի միջոցով գ/ ազգային ժողովի կողմից դ/ ճիշտ պատասխանը բացակայում է
33.	Քանի՞ ընթերցմամբ է օրենքի նախագիծը քննարկվում ՀՀ Ազգային ժողովի նիստում.	ա/ առնվազն երկու. բ/ առնվազն երեք. գ/ առավելագույնը երկու.

		դ/ առավելագույնը երեք.
34.	Պետության կուսակցությունների գործունեությունը հետազոտող գիտությունը կոչվում է.	ա/ տնտեսագիտություն բ/ փիլիսոփայություն գ/ քաղաքագիտություն դ/ սոցիալական հոգեբանություն
35.	Քաղաքական համակարգի գործունեությունը կարգավորվում է.	ա/ իրավական նորմերով բ/ քաղաքական նորմերով գ/ բարոյական նորմերով դ/ բոլոր պատասխանները ճիշտ են
36.	Հասարակության քաղաքական համակարգը ներառում է.	ա/ պետությունը բ/ քաղաքացիներին գ/ կուսակցությունները դ/ բոլոր պատասխանները ճիշտ են
37.	Քաղաքացիական հասարակությունը.	ա/ ազատ անհատների միավորում է բ/ ազատական միավորում է գ/ պահպանողական անհատների միավորում է դ/ ազատական անհատների միավորում է
38.	Կուսակցությունների մասին առաջին անգամ հիշատակվել է.	ա/ ԱՄՆ-ի սահմանադրության մեջ բ/ Մարդու և քաղաքացու իրավունքների հռչակագրում գ/ Մարդու և քաղաքացու հիմնական ազատությունները փաստաթղթում դ/ ճիշտ պատասխանը բացակայում է
39.	Ազատականության ակունքների մոտ կանգնած չէ.	ա/ Կ. Մարքսը բ/ Ի. Կանտը գ/ Ջ. Լոքը դ/ Թ. Ջեֆերսոնը
40.	«Ժողովրդական կապիտալիզմի պետություն» հասկացությունը մշակել է.	ա/ Ջ. Հելբրեյտը բ/ Մարկո Պոլոն գ/ Ջ. Լոքը դ/ Ռ. Ռեյզանը
41.	Ինքնիշխանություն բառացի նշանակում է.	ա/ գերագույն իշխանություն բ/ սոցիալական իշխանություն գ/ տնտեսական իշխանություն դ/ ճիշտ պատասխանը բացակայում է
42.	Բոլոր տեսակի իշխանությունների բնութագրական գիծը.	ա/ կարգ ու կանոն է բ/ քաղաքացիների սեփականությունն է գ/ հեղինակությունն է դ/ իշխանության պատասխանատվության մակարդակի բարձրացումն է

43.	Ու՞մ կողմից կարող են առաջադրվել օրենքների նախագծեր ՀՀ-ում.	ա/ քաղաքացիների բ/ ընտրողների գ/ կառավարության և Ազգային ժողովի պատգամավորների դ/ քաղաքացիների, ընտրողների, նախագահի, դատավորների
44.	Պետության կողմից քաղաքացիների վարքագծի ընտրության ազատության օրինական սահմանափակումն ուժային ճնշման ճանապարհով կոչվում է.	ա/ հարկադրանք բ/ իրավական հարկադրանք գ/ քաղաքական ճնշում դ/ քաղաքական հալածանք
45.	Նշվածներից ո՞րն է հանդիսանում պետական կառավարման ձև:	ա/ միապետությունը բ/ ժողովրդավարությունը գ/ ժողովրդաիշխանությունը դ/ արհեստավարժությունը
46.	Իրավունքի ճյուղ չէ.	ա/ ընտանեկան իրավունքը բ/ աշխատանքային իրավունքը գ/ քաղաքացիական իրավունքը դ/ ժառանգական իրավունքը
47.	Հետևյալներից ո՞րն իրավունքի պատմական ձև չէ:	ա/ իրավական սվորույթ բ/ դատական նախադեպ գ/ օրենք դ/ դատական սխալ
48.	Նշված կառավարման ձևերից ո՞րը գոյություն չունի ներկայիս Եվրոպայում:	ա/ դուալիստական միապետությունը բ/ սահմանադրական միապետությունը գ/ սահմանափակ միապետությունը դ/ խորհրդարանական միապետությունը
49.	Իրավունքի համակարգի հիմնական տարր չէ.	ա/ իրավունքի մեթոդը բ/ իրավունքի ճյուղը գ/ իրավունքի ինստիտուտը դ/ իրավունքի նորմը
50.	Ո՞վ է պոսիբիլիզմի հայեցակարգի հեղինակը.	ա/ Վիդալ Բլաշը բ/ Յուխան Չելենը գ/ Ալֆրեդ Մեխենը դ/ Հելֆրդ Մաքենդերին
51.	Քաղաքական գիտակցությունը.	ա/ քաղաքական համակարգի սուբյեկտ է բ/ քաղաքական համակարգի բաղադրատարր է գ/ քաղաքական համակարգի օբյեկտ է դ/ քաղաքական համակարգի հետ կապ չունի

52.	Եվրոպական միության հիմնադիր պետությունների թիվը.	ա/ չորսն է բ/ վեցն է գ/ ութն է դ/ երեքն է
53.	Մարդու իրավունքների երրորդ սերունդը առաջ մղեց.	ա/ բարեկամության գաղափարը բ/ եղբայրության գաղափարը գ/ ազատության գաղափարը դ/ անկախության գաղափարը
54.	Աստիճանակարգության հետևյալ տարբերակներից ո՞րն է բնորոշ ՀՀ դատական իշխանությանը:	ա/ առաջին ատյանի-վերաքննիչ-վճռաբեկ դատարաններ բ/ վերաքննիչ-վճռաբեկ-առաջին ատյանի դատարաններ գ/ վճռաբեկ-վերաքննիչ-առաջին ատյանի դատարաններ դ/ սահմանադրական-արտակարգ-իրավական դատարաններ
55.	Նախարարի հրամանը.	ա/ ընդհանուր ենթաօրենսդրական ակտ է բ/ գերատեսչական ենթաօրենսդրական ակտ է գ/ տեղական ենթաօրենսդրական ակտ է դ/ լոկալ ենթաօրենսդրական ակտ է
56.	Ո՞վ է քաղաքացիական իրավունքի «եռյակ բանաձև»-ի հեղինակը:	ա/ Թովմաս Չեֆերոսը բ/ Իմանուել Կանտը գ/ Ջոն Լոքը դ/ Կարլ Մարքսը
57.	Միջազգային իրավունքի նյութական պատասխանատվության տեսակ չէ.	ա/ ռեպարացիան բ/ ռեստիտուցիան գ/ սուբսիտուցիան դ/ ռեստորացիան
58.	Քաղաքացիական իրավունք չէ.	ա/ կյանքի իրավունքը բ/ արժանապատվության իրավունքը գ/ անձնական ազատության իրավունքը դ/ հանրային կառավարմանը մասնակցելու իրավունքը
59.	Ի՞նչն են հաճախ համարում մարդու «երկրորդ ես»:	ա/ երջանկությունը բ/ հարստությունը գ/ խիղճը դ/ էգոիզմը
60.	Բարոյական նորմերը հենվում են.	ա/ հեղինակության ուժի վրա բ/ պետության հարկադրանքի վրա գ/ ուժի հանդեպ հարգանքի վրա դ/ ուժի հեղինակության վրա
Ընտրել ճիշտ տարբերակը կամ պատասխանը:		

Յուրաքանչյուր ճիշտ ընտրությունը՝ 2 միավոր: Միավ պատասխանի կամ պատասխանի բացակայության դեպքում՝ 0 միավոր:		
61.	Նշված տարբերակներից ո՞րն է ճիշտ	ա/ մարդու իրավունքների առաջին սերունդը եկավ լուծելու մարդու անձնական և քաղաքական ազատության խնդիրը բ/ մարդու իրավունքների երկրորդ սերունդը եկավ լուծելու հավասարության և համերաշխության խնդիրը գ/ մարդու իրավունքների երրորդ սերունդը առաջ մղեց եղբայրության և ազատության գաղափարը դ/ մարդու իրավունքների չորրորդ սերունդը առաջ մղեց եղբայրության գաղափարը
62.	Ստորև թվարկվածներից ո՞ր դեպքում Սահմանադրական դատարանը եզրակացություն չի տալիս.	ա/ Հանրապետության նախագահին պաշտոնանկ անելու հիմքերի առկայության մասին բ/ Ազգային ժողովի նախագահին պաշտոնանկ անելու հիմքերի առկայության մասին գ/ Հանրապետության նախագահի՝ իր լիազորությունների կատարման անհնարինության մասին դ/ համայնքի ղեկավարին պաշտոնանկ անելու հիմքերի մասին
63.	Նշված տարբերակներից ո՞րն է ճիշտ.	ա/ Պետությունը գերակայությամբ օժտված հասարակական կազմակերպություն է: բ/ Պետության սահմանադրական բնութագրի համաձայն պետությունը ժողովրդավարական, իրական, սոցիալական հաստատություն է: գ/ Պետությունը կարող փոխել մարդու բնական իրավունքների էությունը: դ/ Գերակայությունը և պետական հարկադրանքը պետության մենաշնորհային իրավունքն է:
64.	Բուհում սովորող աշխատողներին ընթացիկ քննություններին նախապատրաստվելու և դրանք հանձնելու համար տրամադրվող ուսումնական արձակուրդը.	ա/ յուրաքանչյուր քննության համար 3 աշխատանքային օր է բ/ յուրաքանչյուր քննության համար 2 աշխատանքային օր է գ/ յուրաքանչյուր քննության համար 6 աշխատանքային օր է դ/ որոշվում է ուսումնական պլանով նախատեսված օրերի քանակով
65.	Գործարքը/պայմանագիրը գրավոր կերպով ձևակերպող ցանկացած փաստաթղթի պարտադիր հատկանիշ է.	ա/ գործարքը հաստատող անձի (անձանց) ստորագրությունները բ/ գործարքը կնքող անձի (անձանց) ստորագրությունները գ/ գործարքը հաստատող իրավաբանական անձի կնիքի առկայությունը դ/ նոտարի կողմից ստորագրության վավերացումը



66.	Նշվածներից ո՞ր տարբերակում է իրավաչափ վարքագծի տեսակը համապատասխանում օրինակին ՀՀ-ում:	<p>ա/ պարտադիր իրավաչափ վարքագիծ (ընտրել այլ դավանաք)</p> <p>բ/ անհրաժեշտ իրավաչափ վարքագիծ (զիտական հայտնագործություն)</p> <p>գ/ անհրաժեշտ իրավաչափ վարքագիծ (բանակում ծառայել)</p> <p>դ/ ցանկալի իրավաչափ վարքագիծ (խմբակի անդամակցելը)</p>
67.	Նշված տարբերակներից որն է սխալ ՀՀ պարագայում.	<p>ա/ Արտաքին քաղաքականության անմիջական կառավարումն իրականացնում է արտաքին գործերի նախարարությունը:</p> <p>բ/ քաղաքական ապաստան տալու հետ կապված հարցը օրենքով սահմանված կարգով լուծում է հանրապետության նախագահը</p> <p>գ/ Հանրապետության նախագահը ամենօրյա կապի մեջ է երկրում հավատարմագրված դիվանագիտական ներկայացուցչությունների հետ, ընդունում է պաշտոնական պատվիրակություններ և բանակցություններ է վարում նրանց հետ:</p> <p>դ/ Հանրապետության նախագահն է ընդունում օտարերկրյա պետությունների և միջազգային կազմակերպությունների դիվանագիտական ներկայացուցիչների հավատարմագրերը և հետկանչագրերը:</p>
68.	Նշված տարբերակներից ո՞րն է ճիշտ.	<p>ա/ Տրանսիազի ժան Բոդենն իր «Պատմության աշխարհագրական առանցքը» գրքում բացատրում է բնակչության, պետության, նրա քաղաքականության և բնական միջավայրի միջև կապը</p> <p>բ/ «Օրենքներ ոգու մասին» աշխատությունը և «Աստրախանի հայերի դատաստանագիրքը» թվագրվում են նույն թվականին՝ 1748:</p> <p>գ/ Ալֆրեդ Մեխենը առավելություն է տալիս պետության ծովային դիրքին:</p> <p>դ/ Մեծ տարածքների գաղափարի հեղինակը Հելֆոդ Մաքինդերն է:</p>
69.	Քաղաքացու իրավունակությունը.	<p>ա/ բոլոր քաղաքացիների համար տարբեր է</p> <p>բ/ բոլոր քաղաքացիների համար ճանաչվում է հավասարապես</p> <p>գ/ ծագում է քաղաքացու չափահաս դառնալու հետ մեկտեղ</p> <p>դ/ կարող է սահմանափակվել շահագրգիռ անձի դիմումի հիման վրա</p>

70.	<p>Ստորև թվարկվածներից ո՞րը ճիշտ չէ.          Ամուսիններից մեկի դիմումի հիման վրա ամուսնալուծությունը կարող է կատարվել Քաղաքացիական կացության ակտերի գրանցման մարմնում, եթե մյուս ամուսինը`</p>	<p>ա/ դատարանի կողմից ճանաչվել է անհայտ բացակայող          բ/ դատարանի կողմից ճանաչվել է սնանկ          գ/ դատարանի կողմից ճանաչվել է անգործունակ          դ/ դատապարտվել է ազատազրկման երեք տարուց ոչ պակաս ժամկետով</p>
-----	---	---

**Չորս բաղադրիչով հարց-առաջադրանքներ**  
**Գտնել ճիշտ կապերն ու համապատասխանությունները աջ և ձախ սյունակներում տրված հասկացությունների, երևույթների միջև:**  
**Պատասխանները գրանցել առաջադրանքից հետո զետեղված աղյուսակում՝ համապատասխան թվի տակ նշելով ճիշտ պատասխանի տատր:**  
*Պատասխանի ներկայացման այլ տարբերակները չեն գնահատվելու:*  
*Յուրաքանչյուր ճիշտ պատասխանը գնահատվում է մեկ միավոր, առաջադրանքի ամբողջական ճիշտ պատասխանը՝ չորս միավոր:*

**71. Համապատասխանեցնել գաղափարական հոսանքները դրանց բնութագրերին.**

1.Ռասիզմ	ա/ Արտադրահարաբերությունների ողջ համակարգը պայմանավորված է այն հանգամանքով, թե ում սեփականությունն են կազմում արտադրության հիմնական միջոցները:
2.Պահպանողականություն	բ/ Առաջին պլանում բնակչության , առանձին խմբերի մարդաբանական հատկանիշներն են և դրանցից բխող քաղաքական, սոցիալական , տնտեսական և այլ շահերը:
3.Մարքսիզմ	գ/ Այս ուղղության ներկայացուցիչները հաճախ հանդես են գալիս դանդաղ, աստիճանական, «վերևից» կատարվող փոփոխությունների օգտին:
4.Ազատականություն	դ/ «Պետության մեջ պետք է տիրապետեն ոչ թե առանձին անձինք, այլ օրենքները»:

1	2	3	4

**72. Համապատասխանեցնել հասկացությունները՝ դրանք բնութագրող հատկանիշներին**

1.Պետություն	ա/ Անկախություն և իրավահավասարություն այլ պետությունների հետ հարաբերություններում:
2. Պետական իշխանություն	բ/ Գերակայությամբ օժտված քաղաքական հատուկ կազմակերպություն:
3.Ներքին ինքնիշխանություն	գ/ Իրականացվում է իրազեկման, համոզման և իրավական հարկադրանքի եղանակներով:
4.Արտաքին ինքնիշխանություն	դ/ Պետության մենաշնորհային իրավունք՝ երկրում իրականացնել օրենսդիր, գործադիր և իրավապահպան գործառույթները:

1	2	3	4

**73. Համապատասխանեցնել տեսությունները դրանք բնութագրող գաղափարներին.**

1. Ռեպրեսալիա	ա/ ջրի որակի և մաքրության վերականգնում, որ կեղտոտվել էր տվյալ պետության մեղքով
2. Ռեստորսիա	բ/ իրավախախտ պետությունից ապրանքների ներկրման արգելք (եմբարգո)
3. Ռեստորացիա	գ/ պաշտոնական ներդրություն խնդրելը
4. Սատիսֆակցիա	դ/ մաքսային տուրքերի բարձրացումն տվյալ պետության ապրանքների համար

1	2	3	4

**74. Համապատասխանեցնել մարդու՝ բարի կամ չար լինելու վերաբերյալ պատկերացումները հեղինակ-փիլիսոփաներին.**

1.Ժան-ժակ Ռուսո	ա/ «Որքան մարդը բարի է, այնքան ավելի շատ է ուրիշների մեջ բարություն տեսնում»:
2.Բլեզ Պասկալ	բ/ «Մարդը չար էակ է»
3.Ֆրիդրիխ Նիցշե	գ/ «Մարդը հակված է չարիք գործելու: Բայց մարդու մեջ կան նաև բարու հատիկներ»
4. Իմանուիլ Կանտ	դ/ «Մարդն ի բնե բարի է: Նրան չար է դարձնում հասարակությունը»:

1	2	3	4

**75. Համապատասխանեցնել մարդու իրավունքների վերաբերյալ  
դատողությունները տրված բնութագրերին.**

1. Անկապտելի են:	ա/ «մարդը ձեռք է բերում իրավունքներ ծննդյան պահից և չի կարող կորցնել դրանք»
2. Համընդհանուր են:	բ/ «մարդու բոլոր իրավունքները միասին կազմում են մեկ միասնական համակարգ»
3. Անբաժանելի են:	գ/ «ոչ ոք չի կարող զրկել մարդուն որևէ իրավունքից»
4. Փոխկապակցված են:	դ/ «աշխարհում մարդու իրավունքները նույնն են բոլորի համար»

1	2	3	4